

الصحابة بين الهجرة إلى الحبشة و شعب أبي طالب { رجّال صَدَقُوا { .. (الحلقة) 01 (.. #لماذا_محمد ﷺ

حازم شومان

قلنا لهم علشان رسولنا وربنا بعثوا لنا علشان السلام عليكم ورحمة الله وبركاته. الحمد لله حمدا كثيرا طيبا مباركا فيه. كما يحب ربنا ويرضى حمدا ملاء السماوات وملاء الارض وملاء ما بينهما وملاء ما شاء ربنا من شيء بعد. اللهم صل على عبدك ونبيك وولييك وصفيك ورسولك وحبيبك وحبيب قلوب - 00:00:00

انا وطبيب قلوبنا محمد صلى الله عليه وسلم. في الاولين والآخرين والملاء الاعلى الى يوم الدين. ثم اما بعد. هنتكلم الليلة باذن الله يا اخواني باذن الله بعد ما اتكلمنا امبارح عن الدعوة الجهرية من اجلك يا فجر الاسلام. عن العذاب الرهيب اللي الصحابة داقوه. اول ما جهروا - 00:00:44

والنبي عليه الصلاة والسلام بكلمة الحق. هنتكلم الليلة ان شاء الله عن خمس سنين من عمر الاسلام. خمس سنين من الطريق اللي النبي مشي عليه عشان ينقذك وينقزني وينقذك. خمس - 00:01:04

سنتين النبي مشي على الجمر هو والصحابة فيهم. ممكن نكون هنتكلم عنهم في ساعة. ولكن عاشوهم الصحابة اليوم بسنة. الف وتمنيت يوم يا جماعة موضوع حلقة الليل بالف وتمنيت سنة تحملهم الصحابة. من الالام اللي كانت فيهم. هنتكلم النهاردة ان شاء الله عن الفترة من خمسة مكية لعشرة مكية - 00:01:14

خمس سنين من بعد الدعوة الجهرية وابتداء الازى بسنتين. بعد اصرار النبي عليه الصلاة والسلام. بعد اصرار النبي على انه يجهر بالدعوة. واصرار انهم يجهروا بالدعوة. زاد الاسى جدا. زاد الازى جدا. زاد التعذيب. زاد القتل. زاد التهديد بالقتل. زاد الكوي. زاد الوان وحشية من - 00:01:34

تعذيب للصحابة رضي الله عنهم. اصبحت الحياة في مكة لا تطاق ولا تحتمل. اصبحت يقينا لازم فيه حل لازم الوضع ده لا يمكن يستمر. اصبحت الصحابة بالفتنة في دينهم. الصحابة بقوا يروحوا للنبي عينيهم مليانة الم وجسمهم العذاب على كل حنة منه. نعمل ايه يا رسول الله؟ نعمل ايه؟ لازم قرار سريع. ودن - 00:01:54

ابن مسعود طارت وهو يجهر بالقرآن. جلد مصعب اتقشر ظهر خبابة كوا. شعر خباب نتف كله. سمية اتقتلت وبعدها بتلات تيام جوزها ياسر اتقتل في التعذيب. ام شريك اطلقت. سيدنا الزبير جاله امراض صدرية. الصحابة خلاص. لازم قرار سريع يا رسول الله. زنيرة - 00:02:14

هنعمل ايه ؟ يا رسول الله كل ما العدد بتاع الاسلام بيزيد كل ما التعذيب بيزيد. يا رسول الله خلاص ما عادش فيه حد له حرمة اي حد يسبت عليه تهمة - 00:02:34

اسلام بينكل بك في مكة مهما كان مركزه. يا رسول الله مش قادرين نشوفك تتأذي يا رسول الله. ده شد علينا من كل العذاب اللي احنا فيه. اطفالنا يا حبيب الله - 00:02:44

اطفالنا جا لهم صدمات عصبية من كتر الزعر والخوف اللي هم فيه. شوارع مكة شهدت على التعذيب والتنكيل بنا. لازم قرار سريع وفعلنا يصدر قرار من رسول الله صلى الله عليه وسلم. قرار ما اتاخدش من عدة قرون على وجه الارض. قرار ما اتاخدش من ايام سيدنا لوط. فيه خمسة مكية - 00:02:54

سنة خمسة مكية يصدر قرار من رسول الله صلى الله عليه وسلم. بهجرة مجموعة من الصحابة الى الحبشة. الحبشة. اشمعنى الحبشة
يا جماعة الحبشة يا جماعة ما كانش فيه مكان غيرها اصلا. لان اي مكان في جزيرة العرب كان هيتربع ان هو يؤذي الصحابة. ما
كانوش هيرضوا اصلا. ولا هيروحوا مصر في - [00:03:14](#)

الطاحنة اللي كانت بين الارسوزوكس والكاسوليك. هيروحوا فين الصحابة؟ ما فيش غير الحبشة. والحبشة دولة قوية. لو خدوا لجوء
سياسي هناك ما فيش حد هيقدر يرجعهم والنجاشي النجاشي داء الزلم. عشان كده ما كانش بيعب يزل. ده ان ملكه يتاخذ منه
ويبقى عبد ويتأسر. وربنا يرد له ملكه تاني - [00:03:34](#)

فيبقى العصر بتاعه عصر كله ما فيش اي اضطهاد ديني ما فيش اي حد يظلم في هذه البلد العادلة. وليه كمان يا جماعة؟ ليه الحبشة؟
يا جماعة ده الف وربعمية سنة جه الاستعمار الغربي وقال لازم القضاء على الاسلام. والقضاء على الاسلام مفتاحه القضاء على الدول
الاسلامية. ومش هيقضى على الدول الاسلامية الا لو - [00:03:54](#)

على مصر وقالوا بالنص ان مصر شجرة جزورها في الحبشة. لان منابع النيل حياة مصر بازن الله في الحبشة. فقالوا اللي يسيطر على
الحبشة على اثيوبيا وجنوب السودان. والمنطقة داهيت يبقى وخذ مسك مصر من رقبتها. ودي مخططاتهم النبي بيخطط لبعيد. لبعيد
- [00:04:14](#)

اوي النبي بيخطط انه يفتح باب جديد للدعوة. النبي عليه الصلاة والسلام بيخطط لبعيد يا جماعة. وبهاجر الصحابة الحبشة. ويبدأ
اول هجرة بعد قرون من هجرة سيدنا لوط. ويصحى مكة كلها على زلزال زلزال. محمد خلى الصحابة اللي معه خلى جزء منهم يهاجر
الحبشة. كانت رحلة - [00:04:34](#)

كلها مخاطرات رهيبة كلها تضحيات. تخيلوا ما كانتش هجرة من مكة للمدينة. عرب لعرب لأ. ده من اسيا لافريقيا. من قارة لقارة
تخيلوا كانت هجرة شكلها ايه الناس لا لغتنا ولا سقاقتنا. تخيلوا الزهاب في الطريق كان مخاطرة شكلها ايه. ستاشر صحابي منهم
اربع نساء - [00:04:54](#)

جنح الظلام ويسافروا منهم ناس على رجليهم ومنهم ناس راكبين. واول ما قريش تكتشف الخروج تطاردهم. عشان تقتلهم ولكن
يوصلوا البحر الاحمر قبل ما قريش تدركهم وربنا بيعت لهم سفينتين. ينقلوهم وينجم. لو كانوا اتمسكوا كانوا اتقتلوا يا جماعة. النبي
قعد مع الصحابة في مكة - [00:05:14](#)

ولكن ارسلمهم للحبشة فرار بدينهم عشان يعرفوا يعبدوا ربنا سبحانه وتعالى. طب لو كان النجاشي ما قبلهمش ورجعوا كانوا اتقتلوا
برضه يا جماعة. انا مبهور بسيدنا عثمان ابن عفان اللي ساب تجارته وامواله وتجارته ومحلاته سافر يبدأ حياته من جديد. ويبدأ
يبنى نفسه تاني من جديد - [00:05:34](#)

ايه ده! ايه التضحيات دي! هجرة الحبشة الناس اللي سافروا فيها. منهم ناس ما شافتش مكة طول حياتها تاني. اربعتاشر سنة يا
جماعة. هجرة الحبشة اطول من الهجرة للمدينة اربعتاشر سنة انت عارف يعني ايه واحد يطلع سنة خمسة مكية يروح الحبشة يقعد
خمس سنين يرجع عشرة مكية هو بيعسب ان الاسلام انتشر - [00:05:54](#)

في مكة يروح يلاقي عامل حزن والرسول بيؤذي بنفسه. والسيدة رقية ترجع تلاقي امها ماتت. يرجع الصحابة تاني. يرجعوا الحبشة
يفضلوا ستة هجرية يروحوا على المدينة ما شافوش مكة تاني. عاشوا حياتهم لربنا سبحانه وتعالى. وتنزل سورة وتنزل سورة الكهف
- [00:06:14](#)

اللي ربنا اتكلم فيها عن اهل الكهف اللي هاجروا وسابوا الدنيا كلها عشان ربنا لكهف مزلم ضيق عشان ربنا. عشان الصحابة يتشجعوا
على الهجرة تنزل صورة مريم اللي بتتكلم عن مريم اللي ربنا عمل لها معجزات عشان عبادتها واقبالها على الله. وعشان هيروحوا
للحبشة اللي كلها نصارى. يا جماعة - [00:06:34](#)

يا جماعة قريش تصحى متزلزلة ايه ده! ايه اللي بيحصل ده! ازاى! ازاى! قدروا يهاجروا للحبشة! خيرة شباب قريش يهاجروا ازاى!
ويجي خبر تاني يزلزلها النجاشي بكى وهو بيسمع القرآن هو يسلم ولا ايه؟ ويجي خبر تالت. فيه وفد من الحبشة جه يقابل النبي. هو

اهل الحبشة بدأوا يفكروا في الاسلام ولا ايه! ايه ده - 00:06:54

ما كانوا عارفين ان الاسلام بالقوة دي. ما كانوا عارفين ان المسلمين لهم العلاقات الرهيبة دي. ما كانوا عارفين ان الصحابة لهم قوة الثبات الرهيبة دي بحس ان الصحابة رضوان الله عليهم رضوان الله عليهم يقدرُوا يهاجروا ويسيبوا وطنهم ازاى كان زلزال.

زلزل مكة كلها. وتتجنن مكة. ويقرروا - 00:07:14

انهم بيعتوا وفد رفيع المستوى باسم قيادات قريش كلها. جهود دبلوماسية مكوكية فورية. بيعتوا عمرو بن العاص المحنك السياسي. بيعتوه ثروات من اجل الهدايا هناك يرشي النجاشي. عشان بيعت الصحابة تاني. يروح للنجاش يقولوا دول مجرمين. دول مجرمين ائمين. اول ما قبل ما يكلم - 00:07:33

النجاشي ينزل على القساوسة المستشارين بتوع النجاشي يدوهم هدايا كبيرة ويقول لهم خليككم معي. بعد كده يروح للنجاشي يدي له هدايا خطيرة. تخيلوا دام اتصرف قد ايه على الحرب بتاعته. اتصرف قد ايه يا جماعة عشان الاسلام يتحارب. احنا الدين جاء لنا بالساهل. انما المسلمين في الوقت ده الدين جاء لهم ازاى؟ الدين كان غالي - 00:07:53

ازاي؟ ويرشي يحاول يقدم للنجاة الهدايا. بعد كده يقول له الناس دي لا على دينك ولا على ديننا. انت قاويهم ليه؟ دول مجرمين. دول ارهابيين. دول مطالبات في مكة النجاشي يرفض لغاية ما يجيب جعفر ابن ابي طالب ويخليه ينازر عمرو ابن العاص. منازرة يا جماعة. او المناظرة بين الاسلام والوثنية على ارض - 00:08:13

الحبشة اول مرة الاسلام يمسك ميكروفون قدام الدنيا كلها. والمناظرة يا اما يطردوا بعدها يا اما يفضلوا في الحبشة. جعفر ابن ابي طالب يقوم يتكلم قدامه الكلام. لو انت قدامك خمس دقائق طلوعك في مؤتمر عالمي قدام الغرب كلهم وقالوا لك اتكلم عن الاسلام خمس دقائق. يا يحبوا الاسلام يا - 00:08:33

لو قالوا لك خدي قناة فضائية عالمية. قدامك عشر دقائق تتكلمي عن الاسلام. يا تقنعهم بالاسلام يا اما ينفروا منه. لو قالوا لك كلم حاكم فرنسا ولا امريكا ولا ايطاليا خمس دقائق يا اما تقنعه ان يبقى من انصار الاسلام يا اما يفضل من اعداؤه تقول ايه؟ تقول ايه؟ جعفر ابن ابي طالب - 00:08:53

في موقف رهيب. يا جماعة احنا منا ناس لو شاب بيحب بنت ممكن في خمس دقائق يقنع امه انها ملاك نازل من السما. ممكن يا ناس ممكن لو كل اكلة فراخ مقرمشة في مطعم اجنبي. ييجي في خمس دقائق يجوعنا كلنا بعد ما كلنا فطرنا من الكلام عنها. لان يا جماعة الدعوة دي عايضة حب الدعوة مش فصاحة - 00:09:13

الدعوة حب في القلب رهيب. للحاجة اللي انت بتتكلم عنها فتبدع في الكلام عنها. الصحابة رضوان الله عليهم واقفين يببصوا لجعفر وجعفر طالع يتكلم يا ترى هيقول ايه؟ جعفر اول حاجة يقولها. احنا كنا ايه قبل محمد؟ كنا وحوش بنقتل بعضنا بعض. كنا وحوش بنقتل بناتنا - 00:09:33

ولما جه محمد بيكلم النجاشي بيقول له لما جه رسول الله. صلى الله عليه وسلم. شال راسنا من بين اقدام الاصنام واللاوثان. عرفنا يعني ايه ربنا؟ عرفنا ان احنا ما نسجدش لغير الله. امرنا بالامانة بالصدق بالوفاء. بالجوار بصلة الرحم بالاخلاق. النجاة - 00:09:53
انبهر باخلاق الاسلام. وبعد كده هي دي جريمتنا اللي عذبونا عشانها. هي دي يا نجاشي كلمت جريمتنا. اللي نكلوا بها عشاننا. هي دي جريمته اللي كوونا بالنار عشانها. هي دي جريمتنا اللي عايزينك تسلمنا لهم. عشان يحاكمونا عليها. رسولنا قال لنا ان انت انت الوحيد اللي هتنصرنى على - 00:10:13

الارض رسولنا اختارك واحنا اخترناك واسرناك على الدنيا كلها. النجاش اتزلزل قلبه لما سمع عن النبي عن الداعية. بس لسه ما سمعش عن الدعوة عن القرآن. لما جعفر يقرأ عليه سورة مريم يبكي ويبكي القساوسة. ويزهر ان المناظرة انتهت لصالح الاسلام. ويقول والله - 00:10:33

والله لا اسلمكم ابدا. وتتهزم الوثنية في المناظرة. وينتصر الاسلام ويرجع الهدايا لعمرو ابن العاص. ويرجع عمرو مخزول مهزوم كئيب حزين. يرجع واول ما الكريش تشوفه رجع وبقي الاسلام له مكان امن ومأوى. يتربع اهل قريش كلهم هنعمل - 00:10:53

هنسيب الاسلام ينتشر واخر مرة يفاوضوا فيها الرسول وابو طالب. اخر مرة اخر مفاوضة يعملوا اجتماع في الحرم ويستدعوا الرسول عليه الصلاة والسلام جاي بيحسبوا ما يسمعون عن الاسلام. يقولوا له يا محمد والله والله ما نتركك وما فعلت بنا وما فعلت بنا - [00:11:13](#)

انت عملت انت ضيعتنا يا محمد. انت ضربت تجارتنا. انت شوهت صورتنا قدام العرب كلهم وحولت صورتنا قدام العرب ان احنا وحوش مفترسة قطعناكم انت عبت الهتنا. انت سفهت عقولنا. انت ضربت تجارتنا. انت ازيتنا. انت مزقت جماعتنا والله ما نتركك وما فعلت - [00:11:35](#)

حتى نهلكك او تهلكنا. الرسول عليه الصلاة والسلام كان في قمة الحزن. ابو طالب اترعب على النبي قال له يا محمد انجي نفسك. ولا تكلم ما لا اطيق. يا محمد هيقتلوك. وهيقتلوا بني هاشم كلهم معك. ده هيعلنوا الحرب على بني هاشم. الرسول يصر اصرار رهيب على الدعوة. ويقف - [00:11:55](#)

ابو جهل ابو جهل وصل للجنون خلاص. يقسم انه هيقتل محمد ويحصل اللي يحصل. يقسم انه هيجيب صخرة كبيرة شديدة. واول ما محمد عليه الصلاة والسلام يسجد في الحرم يشدخ بها رأسه. وتاني يوم الرسول يروح الحرم زي كل يوم. بيتحدى مكة كلها. واول ما يسجد يشيل ابو جهل الطوب الكبير - [00:12:15](#)

الحجر الكبير ويشيلها للنبي شوية ويرجع ابو جهل مرعوب مفزوع عرقان. وشه محمر ايه يا ابو جهل فيه ايه! ايه يا ابا الحكم! فيه ايه! يقولوا له رأيت بيني وبينه خندقا فيه نار واهوال واجنحة. ايه ده! طب وما اسلمش ليه؟ ما اسلمش. وفرعون لما شاف البحر اتشق لموسى - [00:12:35](#)

ما اسلمش ليه؟ دي قلوب ماتت خلاص يا جماعة. ربنا كان بيأيد الدين بالمعجزات في الوقت ده. ابو جهل تفشل محاولة قتله لرسول الله. صلى الله عليه وسلم ويبقى واضح قدام قريش. يبقى واضح قدام قريش يا جماعة. ان خلاص بعد اسلام حمزة وعمر. وان بعد الجهر بالاسلام في الحرم وبعد ما الصحابة بقوا - [00:12:55](#)

صلوا في الحرم وبعد ما الهجرة الحبشة نجحت. وبعد ما الرسول رفض اي مفاوضة واي تفاوض واي تفاهم. اصبح من الواضح بعد ما الاسلام بدأ ينتشر ان الحديد والنار ما هماش قادرين على ايمان الصحابة. ان الكراييك بتاعة مكة مش قادرة عليهم. ان التعزيب بتاع مكة مش قادر عليهم. كان لازم يشوفوا حل. حل - [00:13:15](#)

رهيب وما فيش فيه رحمة. حل في قمة القسوة بس يخلصهم من اللي بيحصل ده. واخيرا يلاقوا الحل. يوم واحد محرم سنة سبعة مكية يجتمع المشركين في الخيف خيف بني كنانة. جنب رمي الجمرات بتاع الحج ويتقاسم ويقسموا بالله - [00:13:35](#)

دوروا قرارات ممنوع من اول النهاردة واحد محرم سبعة مكية. ممنوع ان حد يتجوز من بني هاشم او يجوزهم. ممنوع ان حد يبيع لهم او يشتري منه ممنوع ان حد يدخل بيتهم او يدخلوا بيته. ممنوع ان حد يبسر لهم اي سبب للرزق. ممنوع ان حد يرحمهم لحد ما يسلموا - [00:13:55](#)

محمد نقتله وبعد كده نغفو عنهم ويتقاسم. بيقسموا بالله ويكتبوا صحيفة ويعلقوها جوة الكعبة. عشان يبقى لها قدسية متخيلين النبي! متخيلين الصحابة ثلاث سنين هيعيشوا! لحد يبييع مين يبييع لهم! ولا حد يشتري منهم! ولا لهم دخل ولا جواز - [00:14:15](#)

لا اكل ولا شرب. متخيلين الجوع والعطش؟ متخيلين الازمة الرهيبة اللي دخل فيها الاسلام؟ كانت مرحلة خطيرة اوي يا جماعة اوي كان الاقتصاد في ايد مكة فعلا. يعني هيموتونا بالجوع ولا ايه! النبي بقى مهدد بالقتل كل ليلة. ابو طالب كان بينيم النبي في فراش حد من اولاده - [00:14:35](#)

خلي حد من اولاده لما كان النبي من شدة حبه للنبي عليه الصلاة والسلام احسن يدخلوا بالليل يقتلوه. الصحابة كانوا مهددين بالموت من الجوع. اطفال الصحابة كانوا مهددين بالموت بالمجاعات. زي اطفال العراق واللي احنا شفناه في اطفال العراق. ثلاث سنين الف وتمانين يوم بالف - [00:14:54](#)

تمانين سنة تخيلوا يا جماعة من واحد محرم سبعة مكية لغاية عشرة مكية. حصان رهيب. غزة لما اليهود ضربوها وحاصروها عشرين

يوم الامة كلها قلبها اتشق تخيلوا النبي ثلاث سنين يا جماعة. تقدر تقدر تدخلي الشعب لو انت كنت مع الصحابة. لو احنا مكانهم يا جماعة كنا استحملنا واتحاصرنا وجوعها. جوعنا يا جماعة - [00:15:14](#)

الوقت اللي بيقولوا المقاطعة ماشي نقاطع بازن الله. ولكن المقاطعة في ايه؟ في الاستيراد من استراش آآ زبدة لورباك وحليب وجبنة ما نستوردش الحاجات دي. هو دي المقاطعة! ولا المقاطعة في التصدير! المقاطعة اللي تشيل اللي قدامك انك تقاطعه انك تصدر له. احنا ما - [00:15:37](#)

حاجة عشان نصدر حاجة اصلا لو ما فوقناش هنروح في داهية يا جماعة. الرسول عليه الصلاة والسلام بعد اربعتاشر سنة وهو خارج غزوة حنين يقول للصحابة معاد التقاء الجيوش في خيف بني كنانة. نفس المكان اللي من اربعتاشر سنة اتفقوا على شهب ابي طالب فيه. ليه يا رسول الله - [00:15:57](#)

عشان اوعوا تنسوا. اوعوا تنسوا الاهل الباطل حاربونا قد ايه. اوعوا تنسوا اتعمل فينا ايه. اوعوا تنسوا معتقلات اليهود. اوعوا تنسوا ضياع والعراق. اوعوا تنسوا قنابل الفسفور اللي حرقوا بها اطفال في غزة. اوعوا تنسوا امريكا عملت ايه في العراق والامة وافغانستان. اوعوا تنسوا اوعوا - [00:16:17](#)

ما تنسوا اليهود حاربونا قد ايه النبي اقر المبدأ ده. اوعوا تنسوا يا اهل غزة. يا اللي اتحاصرتم في شعب ابي طالب. يا اللي اتحاصرتوا لسه لغاية الوقت اصبروم. انتم ماشيين على طريق النبي عليه الصلاة والسلام. انتم بيحصل لكم نفس اللي حصل. لرسول الله عليه الصلاة والسلام. وتسد - [00:16:37](#)

يا جماعة وتنفجر الازمة وتولع الازمة لدرجة ياما الصحابة دافوا ياما الصحابة شافوا لو كان الفكر الصحابة ان الدين صوم وصلاة ما كانش حد مننا الوقتي مسلم. ولكن الصحابة عاشوا عشان الدين هتعيشي امتى؟ هتعيشي امتى؟ عشان الاسلام. هتشيل المهمة اللي الصحابة شالوها امتى - [00:16:57](#)

عرفتم ليه الرسول فضل ثلاث سنين يربي الصحابة في دعوة سرية في دار الارقم؟ لانه كان عارف الحاجات الرهيبة اللي لسة هتقابلهم. كان بيربيهم يستحمل. تخيلوا الصحابة جوة الشعب. تخيلوا مع كل دخلة ليل. مكة كلها تسمع صراخ اطفال المسلمين من الجوع. تخيلوا ولاد - [00:17:17](#)

بيصرخوا من الجوع كل ليلة. لا معك فلوس تجيبني لهم حاجة. ولا حد راضي يبيع لكم حاجة. تخيلوا الماية الماية كانت بتتباع يا جماعة سلوا عليهم الماية ما رضوش يدوهم ماية. تخيلي ابنك هيموت على بق مية ومش قادرة تديه. تخيلي بنتك تخيلوا يا جماعة لو صيام وما فيش ماية ان احنا - [00:17:37](#)

افطر عليها هنعمل ايه؟ تخيلوا يا اخواني تخيلوا النساء لما يتطلقوا النساء الهاشميات يتطلقن. بنات النبي يتطلقن. ليه عشان كل واحدة تخيلي ان بنتك تيجي متطلقة عندك وتقع لا لسبب غير لانك قلت لا اله الا الله. محمد رسول الله صلى الله عليه وسلم - [00:17:57](#)

الرجالة. الرجالة كان الراجل يخرج يشتري لولاده حاجة. التجار يقعدوا يغفلوا عليه. ممنوع ما حدش يقدر يبيع اصلا. ما حدش مكة اعلنتها. اعلنتها قدام اما ان تكونوا مع قريش او مع الازهاب. اللي هيدي اكل لمحمد يبقى معه. اللي هيواسي محمد يبقى معه. اللي مش هيناصرنا على قتل محمد يبقى - [00:18:17](#)

تخيلوا يا جماعة اللي حصل. تخيلوا ان سعد ابن ابي وقاص مرة كان بيقتضي حاجته بيتبول. سمع صوت. بيشوف ايه لقي جلد بعير. حمار مسلا مات وجلده اتعفن ونشف. خده غسله. تخيل الجوع اللي يوصلك انك تاخذ جلد حمار ميت. تغسله من العفن ويطحنه - [00:18:37](#)

ويخلطه بالمية ويعملوا عجينة ويفضل تلت تيام ياكل منه. جوع ايه اللي وصلهم لذي! دي سعد ابن ابي وقاص من الاغنياء الفقراء عملوا ايه؟ سعد ابن ابي وقاص بيقول ذات مرة لقي حاجة رطبة كده على الارض - [00:18:57](#) فشلها وحطها في بقه وبيقول والى الان لا ادري ما هي. لغاية دلوقتي انا مش عارف ايه الحاجة الرتبة دي. تخيلوا ايه الجوع توصلك

لدرجة انك ما عدتيش عارفة انت بتاكلي ايه. الجوع اللي يوصلك لدرجة انك ما عدتش عارف انت بتاكل ايه. قد ايه مشوا على الجمر. انا باحكي لكم عن الف وتمنيت يوم - [00:19:13](#)

من حياة الصحابة الف وتمنيت يوم من حياة محمد والذين معه. الف وتمنيت يوم بالف وتمنيت سنة. كل يوم منهم كان ضريبة اسلام واحد مننا كل يوم منهم كان ضربة اسلام بلد من بلادنا. تخيلوا ده حقه ايه واستحملوا قد ايه! تخيلي ان ولادك جنبك بيموتوا بامراض المجاعات - [00:19:33](#)

ما انتيش عارفة تعملي حاجة. خديجة قدام خديجة وبعد كده اغنى نساء قريش. ما عدش معها حاجة. وواقفين محاربين وصول اي امدادات برة. بناتها قدامها بياكلوا ورق الشجر. تخيلي انك انت بناتك ياكلوا ورق الشجر قدام عينك وهم اطفال. تخيلوا يا جماعة الفقر وصل لدرجة ان المسلمين كلوا - [00:19:53](#)

الشجر كلوه. الرسول ورق الشجر عليه الصلاة والسلام لغاية ما تقرحت شفاه النبي عليه الصلاة والسلام. المسلمين بقوا لما يخرجوا تقضوا حاجتهم يخرجوا زي البعير زي الابل لانهم بياكلوا ورق شجر. زي البعير وزى الابل. الماية مش لاقيينها. الاكل مش لاقيينه - [00:20:13](#)

الامن مش لاقيينه. النبي مهدد بالاغتيال. اولادهم بيموتوا قدام عينيهم. ابو جهل. ابو جهل هو والعيون بتاعته واقفين حوالين الشعب. مانعين اي حد انه يدخل مانعين اي حد انه يوصل اي امدادات على الاطلاق. كانت مخاطرة ان حد يواسيهم باي فلوس. كانت تتصادر على طول اي امدادات - [00:20:33](#)

ابو لهب لما كانت تيجي قافلة من برة كان يروح لهم اياكم حد يبيع لمحمد واللي معه. وانا هدف لك ازيد من اللي هم يدفعوه. ييجوا الصحابة يخرجهم يشتروا ما يرضوش يبيعوا لهم ويغلو عليهم. يرجع الراجل لولاده وولاده بيصرخوا من الجوع ما هوش عارف يعمل ايه. جربت ان ولادك يقعدوا يصرخوا - [00:20:53](#)

يشدوا في رجلك من الجوع يقولوا لك اخرج هات لنا اي حاجة. دور لنا على اي اكل تخرج ما تلاقيش حاجة. راجع وانت عارف ان هم بيموتوا من الجوع ان هم بيتلو من الجوع مين فينا جرب ده عشان الدين. يا جماعة الدين ما قامش غير كده. الدين ما قامش غير بالتضحيات دي. الدين ما قامش غير بالفداية دي - [00:21:13](#)

الدين ما قامش غير لما فيه ناس ضحت بعمرها عشانه. للدرجة دي. الدين ما قامش يا جماعة. غير لما فيه ناس عاشت عشانه. انما كلمة مسلم في البطاقة لا يا جماعة شوفوا الناس حصل لها ايه ؟ شوفوا الصحابة اتأزوا في كل حطة من جسمهم ازاى ؟ جبال مكة شهدت على جسس الشهداء. شوارع مكة كل - [00:21:33](#)

في حاجة كانت شاهدة على التعذيب ويستمر التعذيب ثلاث سنين. الف وثمانين يوم الف وثمانين يوم لحد ما ييجي الفرج اخيرا. بعد ثلاث سنين من الجوع الرهيب. بس ييجي الفرج من الله. من فوق من السما يا جماعة مش من عند البشر - [00:21:53](#)

لما البشر بصائرهم اتعمت وقلوبهم تحجرت من الظلم. ربنا يرسل جند من جنوده حشرة. حشرة اسمها حشرة الارض لانها بتعرض الحاجة يرسلها تدخل جوة الكعبة. تاكل الصحيفة ما عدا كلمة باسمك اللهم يتنزل جبريل على رسول الله صلى الله عليه وسلم -

[00:22:10](#)

يعرفوا ان الصحيفة اتاكلت ما عدا باسمك اللهم. الرسول يروح يقول لابو طالب. ابو طالب يجري على الكعبة. يلاقي المشركين في معركة ضارية وسط الكعبة انصار استمرار المقاطعة دي اتشاكلوا مع انصار. ان المقاطعة تخلص من باب المروءة رغم ان هم كفار. ان المقاطعة تخلص. يتشاكل - [00:22:30](#)

ابن عدي او المطعم ابن عدي يتشاكل ويغضب ويجري يفتح باب الكعبة عشان يدخل يجيب الصحيفة يقطعها. فاذا بالصحيفة فاذا برحمة الله سبقت رحمة البشر. فاذا بالكرامات المرحلة دي كان كلها كرامات. المرحلة دي هي اللي اتشق فيها القمر يا جماعة -

[00:22:50](#)

عن شق القمر. الشعب ده هو اللي النبي عليه الصلاة والسلام ربنا قيد له خندق من نار منع ابو جهل من انه يوصل له. المرحلة دي هي

اللي دبت الارض - 00:23:10

ده اكلة الصحيفة الا باسمك اللهم معجزات بس ما اسلموش. ما اسلموش هو فرعون. لما شاف ابن الماشطة بينطق وهو وبيقول

اصبري يا اماء. وهو بيرميها في الزيت المغلي كان اسلم. دي قلوب انتهت خلاص. دي قلوب اتحجرت خلاص - 00:23:20

وبعد ثلاث سنين بعد ثلاث سنين يخرج الصحابة تاني. يبيعوا ويشتروا تاني ياكلوا ويشربوا تاني. ينطلقوا في مكة تاني بعد ثلاث سنين حصار رهيب يخرج الاسلام منتصر. زي اخوانا في غزة ما خرجوا بعد الحصار منتصرين. يخرج الاسلام منتصر. ياخذ الصحابة

في هجرة الحبشة - 00:23:40

وبعد كده في شعب ابي طالب ياخدوا ايه؟ ياخدوا امتياز. مع شهادة تقدير ياخدوا امتياز. مع مرتبة شرف. يخرجوا صامدين. يخرجوا سابطين يخرجوا دينهم سابت ولكن يا جماعة ولكن مجموعة من المسلمين في مكة مضطهدين لسة. ومجموعة من المسلمين

في هجرة الحبشة راحوا - 00:24:00

قدامهم اربعتاشر سنة على ما ييجوا للمدينة المنورة. النبي ما جابهمش ليه؟ ليه بعد هجرة المدينة النبي ما استدعاش؟ المسلمين اللي في الحبشة بما استدعاهمش غير بعد صلح الحديبية. لان صلح الحديبية بداية الانفتاح الدعوي خلاص. والنبي كان باعت اكرر

ناس تقدر تشتغل في الدعوة - 00:24:20

صحابي بن عمير وعبدالرحمن بن عوف وام حبيبة بنت ابو سفيان وعثمان بن عفان ورقية بنت عظماء. فلما اتفتحت الدعوة بقى فيه احتياج فيهم النبي كان عاينهم. النبي كان عاينهم لوقت الاحتياج. النبي كل حاجة بيعملها الحكمة. تخطيط رهيب. اعجاز اعجاز

وتأييد من الله سبحانه وتعالى - 00:24:40

يخرج المسلمين من الشعب. يخرج المسلمين من الشعب يا جماعة منتصرين كسبانين. كسبانين ايه يعني؟ يعني ايه اللي كسبه؟ اول حاجة. كسبانين في الدعوة. الدعوة ما اوفتش يوم واحد في الشعب النبي كان بيخرج يكلم الناس وكان بيروح في منى يلف

على الناس عليه الصلاة والسلام. النبي عليه الصلاة والسلام دعا وانتشرت الدعوة ايام الشعر - 00:25:00

في غفار وفي دوس وفي اليمن وفي الحبشة. خرجنا منتصرين دعويا. خرجنا منتصرين تربويا. الصحابة اترجم. الصحابة الصحابة

اتربوا جوة النار بتاعة شعب ابي طالب. طلوعا بعد كده النبي بيعتهم في غزوة اسمها غزوة الخبط. غزوة - 00:25:21

ورق الشجر ياكله ورق الشجر فيها ليه؟ ما هم ادربوا على ورق الشجر خلاص. ما هم قعدوا ثلاث سنين ياكلوه لحد ما في الاخر يعني يمكن بقوا هيعملوه صواني - 00:25:41

ومقلي ومسلوق من كتر ما كلوا ورايا الشجر واستطعموه في الاخر. خلاص اتربوا. بعد كده يتبعتموا في تبوك. يشدقوا عطش ما فيش حد البشر داقوا المرأة الاعرابية يقولوا لها فين الماية؟ يؤتوا لهم اياه اياه. انتم فين والماية فين؟ وهم بيموتوا من العطش.

ويستحملوا - 00:25:51

ان الشعب اتربوا فيه. بعد كده في الفقر يدوقوا فقر رهيب. ما كانش عندهم لبس اكرر من سوب واحد لكل واحد في المدينة. مصعب يموت ما عندوش واحد. النساء لما ينزل حكم الحجاب ما فيش حاجة اسمها يشتروا هودوم يعملوا بها طرحة. يشقوا هودومهم عشان

يلبسوا طرحة - 00:26:11

لان ما فهمش ما فيش حاجة اسمها اصلا يشتروا حاجة جديدة. استحملوا ان كان الشعب تربية رهيبة. الشعب كان كسب للرأي العام. الرأي العام كله زهل دول الرأي العام صورة الاسلام في جزيرة العرب. مين اللي صمدوا على شعب ابي طالب دول؟ مين اللي صمدهم

على هجرة الحبشة دول؟ ايه ده! زي بالزبط ما غزة - 00:26:31

اسهلت العالم بصمودها قدام قتابل الفسفور اليهودية. المسلمين ازهلوا العرب بصمودهم. قدام شعب ابي طالب واكل ورق الشجر وهجرة الحبشة خرجنا المشركين بتوع بني عمال بني هاشم وبني عبدالمطلب كلهم معنا ليه؟ ليه الموقف البطولي العميد بني هاشم

ابو طالب - 00:26:51

طب ليه يا جماعة؟ لان الاسلام كسب الكل باخلاقه. بهر الكل باخلاقه. الاسلام كسب المعركة الاعلامية. الوقت اليهود بينكلوا بنا. وهم

اللي العالم برآء واحنا اللي مجرمين. دلوقتي المعركة الاعلامية مهزومين فيها. العلمانيين هم اللي بيصدروا الجرايد اللي الناس

بتشتريها كل يوم الصبح. مين يعمل - [00:27:11](#)

اسلامية يا اعلاميين امة محمد. مين يعمل جريدة اسلامية يا صحفيين امة محمد فاذا دخلتموه فانكم غالبون. مين يقوم يعمل جريدة

اسلامية يرحم شعوبنا ويرحم شعب مصر من الجرايد العلمانية. اللي بتتقري كل يوم - [00:27:31](#)

وبيتسم دماغ الناس بها. مين يا جماعة؟ النبي عليه الصلاة والسلام يخرج منتصر. الصحابة كلهم اتلفوا حواليه. نصره ربنا في الشعب

نزول صورة القمر كان في الشعب يا جماعة. ده من القرآن اللي نزل في الشعب. وربنا بيقول للصحابة سيزهم الجمع. سيهزم الجمع

ويولون الدبر. انتم ما تخافوش - [00:27:47](#)

اللي محاصرينكم دول بكرة هيبقوا اسرى في ايديكم يوم بدر. تعملوا فيهم اللي انتم عايزينه. انتم بكرة اللي هتنتصروا. عمر يبص

كده. نتتصر يا رب. اي عن هذا يا رب هو فين يا رب؟ ده احنا يا رب مش قادرين حد منا يأمن على نفسه انه يتقتل ولا انه يموت من

الجوع ويتشق القمر في منى في اساء - [00:28:08](#)

شعب نصره للمسلمين ومعجزة من الله. وفي ايام الشعب حصل حاجة رهيبة. المدينة المنورة كان فيه الاوس والخزرج حصل حرب

بينهم ايام الشعب اسمها حرب بعاث. اتقتل فيها صناديد الكفر في المدينة. لولا الحرب دي ما كانش الاسلام دخل المدينة. كان الرسول

جه يهاجر لابو لهب وابو جهل - [00:28:28](#)

تانيين في المدينة المنورة يعني ربنا بيرتب لنا المدينة واحنا في الشعب. ابشري يا امة محمد. واحنا في عز الازمة الوقتي ربنا بيرتب

لنا فرج ابشر يا كل مبتلى. ابشري يا كل مكروبة. ممكن يكون الفرج بيتنسج الوقتي. وانت ما انتيش حاسة ولا دارية ابشروا. ابشري -

[00:28:48](#)

يا كل مبتلى يا كل مريض. يا كل واحد شايل هم نصره دين ربنا سبحانه وتعالى. وبعد الشعب يخرج المسلمين من شعب ابى طالب.

منتصرين سابتين. صامدين. الاسلام اتعرض لامتحانين رهاب يا جماعة. الالف وتمنيت يوم دول جمعتهم مع بعض ليه - [00:29:08](#)

عشان اقول لكم الاسلام اتعرض لامتحانين رهاب قد ايه؟ امتحان هجرة الحبشة اللي نجحوا فيه بامتياز. وامتحان شعب ابى طالب

اللي نجحوا فيه بامتياز. يخرج المسلمين بعد الشعب للاسف الشديد يخرج المسلمين بعد الشعب خلاص ابو طالب بقى راجل كبير.

عنده تمانين سنة بيموت. بيموت خلاص ما عدش قادر - [00:29:27](#)

تحرك خديجة تخرج الجوع انهكها. شهور وهتموت رضي الله عنها. خلاص ما عادتش قادرة السيدة خديجة. ده بقى عندها كم سنة

دلوقتي السيدة خديجة رضي الله عنها. انا بعدها حاجة يخرج الصحابة من الشعب. يخرجوا منتصرين ولكن ممزقين. جزء في

الحبشة. الله اعلم باحواله - [00:29:47](#)

بقيادة جعفر وجزء في مكة بقيادة رسول الله صلى الله عليه وسلم. يبقى مرحلة تنزيق. كان المتوقع يا جماعة. كان المتوقع ان الفترة

دي تبقى فترة انفراج. كان المتوقع ان خلاص يحصل انفراجة في الدعوة. ولكن يحصل حدس يقلب كل الموازين. يحصل حدس -

[00:30:07](#)

للاسف يطمع المشركين في القضاء على الاسلام تاني. يحصل حدس للاسف يطمع المشركين. انهم يقضوا على الرسول تاني يموت ابو

طالب عميد بني هاشم اللي حمى النبي عليه الصلاة والسلام في مواقف بطولية خالدة. يموت ابو طالب. ويترفع الحماية البشرية -

[00:30:27](#)

رسول الله صلى الله عليه وسلم. ولاول مرة رسول الله يتمد ايدين الكفار عليه. ولاول مرة رسول الله في الحرم يعتدى عليه ولاول

مرة رسول الله في شوارع مكة يتعمل فيه اللي اتعمل في الصحابة في السنين اللي فاتت. ولاول مرة يوقن رسول الله ان مكة مش

هي - [00:30:47](#)

مش هي البلد اللي الاسلام هيخرج منها للعالم. خلاص مش مكة. لازم فيه بلد تانية لازم فيه ملجأ تاني. لازم ملز تاني. ويدخل الرسول

في عام الاحزان. في العام اللي اجتمعت عليه الاحزان من كل ناحية. في عام الحزن اللي هنتكلم عنه المرة الجاية. نبعت رسالة

الدرس ده مش هننساكم. مش هننساكم يا اللي استحملتم التلات سنين. التعذيب الرهيب في المرحلة الجهرية. مش هننساكم يا اللي استحملتم الازى في هجرة الحبشة مش هننساكم في حد ناس لهم لغتكم ولا سقاقتكم. مش هننساكم يا اللي استحملتم شعب ابي طالب تلات سنين ورق شجر. عشان تدفعوا ضريبة - 00:31:27

احنا نبقى مسلمين. مش هننساكم. والبرنامج ده دليل ان احنا مش ناسيينكم. وكل البرامج اللي على الفضائيات الاسلامية. اللي نصها بيتكلم عليكم انتم ونصها بيتكلم عن رسول الله صلى الله عليه وسلم. دليل ان احنا مش هننساكم ابدا. وانه حبكم اتحفر في قلوبنا. ما حدش اتحارب دعوة - 00:31:47

التاريخ زي الحرب اللي انتم اتحاربتموها. يا رسول الله يا حبيب الله. يا اللي حبك ملا قلوبنا. ننساك ازاى؟ ننساك ازاى؟ وانت استحملت عشاننا اللي ما فيش البشر استحملوا. يا رسول الله معلش مكة عدى منها عشر سنين. ما عدش غير تلات سنين. التلات غطات اللي جبريل غطهم لك. حتى - 00:32:07

بلغ منك الجهد او الغطى منهم واول اشارة منهم كانت في الشعب النهاردة. عامل حزن سنة واحدة هي الغطة الثانية. بعد كده الطرد من مكة من بلدك حبيبتك هي الغطة الثالثة - 00:32:27

بعدها يا رسول الله بعدها مش فرج ده قصاد تلت غطات تلت انفجارات تلت انفراجات هائلة يا رسول الله اول انفراجة لما هتفتتح كان انفراجة لما هتفتتح مكة. تالت انفراجة لما هتفتتح جزيرة العرب. في عام الوفود يا رسول الله. ومش هتموت الا زي ما - 00:32:41

عليك تلات مرات. ينفرج وينفتح العالم قدامك. مش هتموت الا والبعسات العالمية لفتح العالم. واول بلد بعث لها الفتوحات كانت فلسطين قبل ما تموت بعث اسامة مش هتموت غير وانت شايف الاسلام بيخرج للعالم. يا رسول الله العشر سنين اللي فاتوا في مكة اتكلمنا عنهم في اربع حلقات - 00:33:01

احنا الوقتي اربع حلقات كانوا مقدمة للسلسلة. واربع حلقات اتكلمنا عن العشر سنين اللي فاتوا. التلات سنين الجابين هنتكلم عنهم في اربع حلقات برضو ان شاء الله ليه ؟ التلات سنين دول ايه ؟ التلات سنين دول عامل حزن. دول الاسراء والمعراج. الفرع بقى اللي ربنا بدل به الحزن وغسل به قلب النبي عليه الصلاة والسلام - 00:33:21

التلات سنين دول الانفراجة اللي ربنا فرجها على قلب النبي التلات سنين دول الطائف والعرض على القبائل وبعث العقبة للسنة اربع مرات يا جماعة بازن الله سبحانه وتعالى بكرة ان شاء الله هنتكلم مع توالي الاحزان على رسول الله. مع السنة اللي بطلها هو محمد بس عليه الصلاة والسلام - 00:33:41

النهاردة كنا بنتكلم عن الصحابة والرسول. ولكن بكرة الرسول بس. بكرة كل اللي حصل في الصحابة هيحصل فيه هو. لوحده مكة كلها هتتفرق تعزييه. مكة كلها تتفرغ لايزاءه. مكة كلها هتتفرغ للنيل منه. مكة هتبقى قضيتها كلها - 00:34:01

محمد عليه الصلاة والسلام. معلش يا حبيب الله. معلش بكرة هنعرف يا جماعة لمازا محمد؟ بكرة كلنا هنعرف ليه محمد ليه هو حبيب الله عليه الصلاة والسلام قبل ما اسبيكم ان شاء الله. انا عايز اوصيكم يا اخواني. يا جماعة انا عايز اقول لكم ان رمضان النهاردة خلاص دي الحلقة العاشرة. يعني يعني رمضان خلاص يا جماعة. رمضان رمضان رمضان - 00:34:21

انتهى خلاص. رمضان تلتته خلاص. تلت رمضان. انا عايزك تقفي مع نفسك الوقتي وتسألني نفسك. صحيفتك زادت ايه في العشر تيام اللي فاتوا؟ زادت جنب جلسة ضحى. زادت تهجد زي بدك كم قيام ليل؟ كم ركعة زادت كم تكبيرة احرام؟ صحيفتك زادت كم ختمة قرآن؟ يا ترى في العشر تيام اللي فاتوا - 00:34:45

مع تلت رمضان. ما التلت الاول زي ما عدى التلت الثاني هيعدي. والتلت التالت هيعدي يا جماعة. وقفة يا جماعة مع العشر تيام اللي فاتوا. اللي هيضيع رمضان دينه بيضيع. اللي هيضرط في رمضان هيضرط في دينه. ليه لرمضان غير اي ليل؟ الساعة الواحدة من رمضان عمر جديد ربنا بيديه لك. جنبهم - 00:35:05

عمرك حياة جديدة ربنا ببيديها لك جنب حياتك. العشر تيام اللي فاتوا اقف واسأل نفسك. ايه اللي اتغير فيهم؟ قلبك اتغير قد ايه؟

شهواتك بتعالج منها ايه؟ امراض نفسك. اتزكى منها ايه؟ صفاتك همك. همك وتفكيرك وطموحك في الحياة. اتغير - 00:35:25

انه ايه سلوكك اخلاقك. يا جماعة العشر تيام اللي فاتوا دول لازم وقفة. نشوف احنا خرجنا منهم بايه. لان العشر تيام اللي في النص

دول هم اللي بعدهم على طول الاعتكاف - 00:35:45

كاف هم اللي بعدهم على طول جوار الله في بيته. هم اللي بعدهم على طول تحري ليلة القدر. العشر تيام اللي في النص لازم نتعب

فيهم. عشان نفوز بليلة القدر. عشان لما ربنا يشوف - 00:35:55

سبحانه وتعالى يصطفينا للفائزين بليلة القدر في العشر الاواخر. العشر تيام اللي في النص دول لازم بقى. لازم من الوقت تحط لنفسك

هدف. انا هتغير فيهم قد ايه؟ انا ميزاني هنتقله فيهم بايه؟ الكفة اليمين بتاعة الميزان هنتقلها بايه؟ والكفة الشمال اللي اتملى

الزنوب هتخف منها - 00:36:06

بايه لو ما كنتش اتعتقت في التلت الاولاني. الحق التلت الثاني. الحقوا يا جماعة. رمضان بيتسحب من بين ايدينا يا جماعة. رمضان

صاحب مننا واحنا مش واحنا مش عارفين نعمل حاجة. التلت الثاني هنتقل ميزاننا بايه؟ ختمات القرآن ان احنا نختم كتاب ربنا

سبحانه وتعالى. ان احنا نختم - 00:36:26

قد ايه؟ يلا بقى يا شباب. يلا نلحق بقى نخلص الخاتمة اللي احنا فيها ديت. ونختم ختمة جديدة قبل العشرة الاواخر. يلا يا جماعة

نتقل ميزاننا بصلة الارحام نوصل الارحام بتاعتنا بقى. نصل ارحامنا يا جماعة. نقرب من ربنا على قد ما نقدر. يلا يا امة محمد. زي ما

العصاة بيقلولوا عايزين نعيش حياتنا - 00:36:46

لحزة لحزة عايزين نعيش العشر تيام التانيين لحزة لحزة. الليلة ديت هي الليلة الفعلية للبداية بتاعة التلت الثاني من رمضان. بازن الله

دلوقتي في اول التلت الثاني خلاص. خلاص يا جماعة. خلاص هنستنى ايه! مستنية ايه! ومستني ايه! ومستنيين ايه! عشان نقوم

ونجتهد! قبل ما - 00:37:06

بوصيكم بوصيكم بسنة انا قلت لكم ان احنا عايزين نحبي سنن النبي عليه الصلاة والسلام. باوصيكم بسنة من سنن النبي. امبارح قلت

لكم افشاء السلام. النهاردة احياء اهم الامة على غير المسلمين. النبي كان بيستحمل كانوا بيعزبوه وخايف عليهم. كانوا بيرضخوه

بالحجارة ويبدعي لهم. النبي عليه - 00:37:26

صوت اسلام كان بيعمل كل ده عشان ينقز الناس من النار. السنة اللي عايزين نحبيها. سنة بكاء النبي في قيام الليل من همه على انقاز

الكفار من النار. السنة عايزين نحبيها احياء هم النبي في الامة. احياء جهد انقاز غير المسلمين. يعني نعمل ايه؟ الشباب اللي بيشتغلوا

على النت. ما تعرفش انك تنشر الدعوة من - 00:37:46

النت لغير المسلمين. ما تعرفوش يا شباب انكم تشاركوا الجمعيات. اللي بتدعوا غير المسلمين. ما تعرفش يا اللي معك لغات ولا

ترجمة. انك تشارك ترجمة الكتب الاسلامية. ما يا جماعة ده العالم ستة مليار. خمسة مليار كافر. ومليار مسلم. لو كل مسلم كلم خمسة

كفار الدعوة وصلت للارض - 00:38:06

كلها. يا جماعة عايزين نقوم يعني كتوصية بسيطة كتوصية بسيطة لاحياء هم النبي عليه الصلاة والسلام في الامة ان انا يعني عايزكم

يا جماعة جمعية تبليغ الاسلام. الجمعية اللي ربنا فتح على ايديها فتوحات عزيمة اوي بفضل الله. عايز ندعمها يا جماعة. عايز ندعمها.

يعني انا ما بحبش اقول يعني - 00:38:26

بصراحة ولكن يعني انا مضطر والله من شدة الغرا الرهيبة. على على نشر الاسلام في الارض. خدوا الرقم ده. واتصلوا بجمعية تبليغ

الاسلام. الزكاة المجامع الفقهية قالت الزكاة تجوز لهذه الدعوة الى الله. الزكاة تجوز لانقاز غير المسلمين. من النار عشان المصاحف -

00:38:44

بكل اللغات والاسلام ينتشر بكل اللغات. لو كافر واحد جه يوم القيامة في ميزانك. تخيلي عند ربنا يبقى مآلك ايه؟ لو كافرة واحدة ده

جت في ميزانك. لو مسلم واحد اسلم بعد ما كان كافر في ميزانك. في رمضان خدوا الرقم ده صفر عشرة - 00:39:04

ستلاف ومية ثلاثة ثلاثة خمسة. بس هو ده الرقم اللي انا عايز اقله لكم. نتصل ندعمهم بيعي دهبك وادعمني والله العظيم يا جماعة. بيعوا بيعوا هدمكم وادعموا. ادعموا دعوة غير المسلمين. انقاز الناس من النار. الناس بتتفلت منا للنار. سفرة عشرة - [00:39:22](#)

ستلاف ومية ثلاثة ثلاثة خمسة للمرة الاخيرة صفر عشرة ستلاف ومية ثلاثة ثلاثة خمسة. اللهم احينا على سنة النبي محمد. اللهم احينا على سنته. وامتنا على ملته واحشرنا في زمرة. اللهم احشرنا تحت لواء الحمد مع النبي محمد صلى الله عليه وسلم. اللهم ابغضه منا السلام. اللهم اخرج منا دعاة وداعية - [00:39:42](#)

اللهم اصطنعنا لنفسك اصنعنا على عينك. اخترنا يا رب. اجعلنا من جندك المخلصين يا رب. تب علينا يا رب. يا رب اعتق ثقبنا الليلة من النار. يا رب اجعلوه خير رمضان مر علينا في حياتنا. يا رب تب علينا توبة ترضى بها عنا. يا رب اخرجنا من رمضان - [00:40:09](#)

من احسن ما كنا يا رب. بل اخرجنا من رمضان يا رب. اخرجنا من رمضان وانت تائب علينا. وانت او انت عاف عنا يا رب اخرجنا من رمضان معتوق رقابنا من النار. يا رب اعتق رقابنا من النار. يا رب يا رب انصر الاسلام في الارض يا رب. واهد غير المسلمين -

[00:40:29](#)

يا ارحم الراحمين كما هديت المسلمين. اقول قولتي هذا واستغفر الله لي ولكم سبحانه اللهم وبحمدك اشهد ان لا اله الا انت استغفرك واتوب اليك. وبكرة ان شاء الله مع عام الحزن. وجزاكم الله خيرا - [00:40:49](#)

قالوا لينا ليه محمد ابن عبدالله قلنا لهم علشان رسولنا ورب اللي اصطفى وربنا بعثوا لينا علشان من ايدينا من الضلال. ويعذبين الوكيل الاعلامي التجاري على قناة الرحمة حصريا يرجى الاتصال على الارقام - [00:41:05](#)